

1478, September 7.**388.**

Andreas, Abt zu Berge, belehnt Jürgen Geverd, Bürger zu Lupke, mit einer halben Hufe Landes Zinsgut, auf der Feldmark zu Rotterstorp gelegen, welche dem Kloster jährlich 19 Schilling Pfennig zinset.

Gegeben na der bordt Christi unses heren dusent veerhundert dar nha in dem achtunseventigsten iar des mandages na Marcelli des hilgen martelers.

Aus dem Copiale des Abtes Andreas S. 10b.

1478, October 5.**389.**

Andreas, Abt zu Berge, belehnt Hans Wittekopp und seine Brüder Cone und Jürgen, Bürger zu Magdeburg, mit 2 freien Hufen Landes auf Gross-Weddinger Felde.

Wy Andreas abbet etc. bekennen in dussem unsem opin breve vor allesweme dat wy recht unde redeliken gelegen hebben unde ligen in crafft [dusses breves dem ersamen Hanse Wittekope burger in der oldenstadt Magdeburg also dem eldesten unde sinen bruderenn Conen unde Iurgenn unde orenn menliken erven Conen Wittekoppes seliger sonen twe frye hufen landes menlikes gudes up Grotenwedinge velde belegenn, des sulven ackers dre morgen ligen yegen Richard Cruce unde dre morgen dar by in der kamer unde veer morgen twisken beyden bredden dalen unde viff morgenn twisken dem broke unde veer morgen by deme vernerdäl unde twe halve morgen hinder der kerken an dem andernn velde, viff morgen de dar ligen by der daelwische unde dree morgen in der honnichberge grundt unde viff morgenn vor mellenhoge unde darup ahn dem dridden velde dre morgen boven deme nort dale unde twe morgen dar yegen boven dem devewege unde dre morgen in deme Ottersleven winckel unde twe morgen by deme Suldorpesken wege unde veer morgen de dar ligen an der rorgrunt unde eynen morgen de ahn dem ylenberge unde veer morgen de dar ligen ahn dem holtwege unde wy willen dem gnanten Hanse Wittekope alze deme eldesten unde Konen Iurgenn unde oren menliken erven der gnanten twier hufen tostan unde der lehn dar ahn bekennich sin alze menlikes gudes recht unde wonheyt ys wur und wanne ohm des not und van uns begerende wert. Des to eyner merer bekantnisse hebbe wy Andreas abt ergemelt unser ebedigen secretum witliken heten hengen beneden ahn dussen unsen opin breff gegeben nha der bort Christi unses herenn dusent veerhundert dar nha in dem achtundseventigsten iar am mandage nha Francisci confessoris.

Aus dem Copiale des Abtes Andreas S. 18.